

LA

FVLMINANTE

POVR FEV TRES-
GRAND ET TRES-CHRE-
stien Prince Henry III. Roy de
France & de Polongne.

*Contre Sixte V. soy disant Pape de
Rome & les Rebelles de la France.*

ALMANAC

FOR THE YEAR 1782

AND THE MONTHS

OF THE YEAR 1782

AND THE MONTHS

OF THE YEAR 1782

AND THE MONTHS

OF THE YEAR 1782

AND THE MONTHS

OF THE YEAR 1782

AND THE MONTHS

OF THE YEAR 1782

AND THE MONTHS

OF THE YEAR 1782

AND THE MONTHS

OF THE YEAR 1782



AVX ROYS TRES-CHRESTIENS
HENRI III. ET HENRI IIII.

*A tes cendres, mon Roy, à la France, à ma foy,
Je paye ce devoir tesmoing de mon courage:
Mais à toy, mon César, ie rends ce tesmoignage
Qu'un fidele subiet sert vif & mort son Roy.*

AVX FRANÇOIS.

IE ne doute point qu'entre plusieurs qui liront cette Apologie que i'ay escrite pour la deffense du feu Roy, il ne s'en trouue de ces hipocrites melancholiques qui ont meslé dans leur paste du leuain de la Ligue, & qui n'ont ny foy ny party que celuy du temps, qui me feront incontinent criminel d'heresie. Mais ie leur diray en vn mot, que ie suis aussi ferme Catholique, cōme ie sçais qu'ils n'ont de religion que pour le iour & pour la mōtre. Et que i'ay cet aduantage sur eux que ie suis bon François, mauuais Espagnol, seruiteur tres-fidelle de mon Roy, & qui en cette foy & cet amour me confesse extrememēt passionné. Que ce que i'ay escrit icy ie l'ay fait aussi comme François & debiteur de cette foy à la memoire du feu Roy, que ce n'est point vn effect de haine, de fureur, ny d'iniuste passion: mais vn public tesmoignage de fidelité & de iuste douleur. Que ie l'ay fait d'auantage en vne tres-iuste cause & pour effacer vne tache qui nous eust rendus tous coupables de lascheté tres-grande & de perfidie. Voulant bien encores icy adiouster cette publique protestation que ie fais de ne recognoistre iamais Sixte pour Pape

de Rome, qui ne se soit entierement purgé de l'Assassinat du feu Roy, dont il s'est rendu clairement coupable, & qu'il n'ait pleinement satisfait à sa memoire cōiurāt à mesme deuoir tous les bōs Catholiques, & tous les bons François, en quoy faisant nous n'entendons point nous separer aucunemēt du corps de l'Eglise Catholique Apostolique & Romaine, mais y viure & durer constamment en mesme fidelité & obeissance que nous auons tousiours fait par le passé.



L A
FVLMINANTE.

LA France porteroit impatiem-
ment, ô Sixte le plus meschant &
le plus frelaré Moyne que le Soleil
veit iamais, tes maledictions & tes
iniures, que Rome n'agueres tes-
moing de ton ignorance & de ta
fureur, t'a veu publiquement tonner
contre le tombeau & la memoire de
Tres Chrestien Prince Henry troi-
siesme, Roy de Frâce & de Pologne:
si elle ne scauoit què d'un moyne,
& d'un demy Sarrazin Espagnol, il
ne peut rien sortir que des ordures,
& des choses puantes, & qui ressen-
tent la râce & le pourry de leur vais-
seau, Tu as fait à ce coup, ô demy cir-

A iij

concis, comme le vilain corbeau,
 qui ne pouuant se paistre de la char-
 rongne qu'il voit porter dans le buf-
 cher, volle contre les flammes, ab-
 baye contre les cendres, & remplit
 en vain l'air de ses hurlements: car
 ne pouuant sabouler de tes pieds,
 deschirer de tes ongles, ny porter ta
 dent chancie contre le corps mort
 de ce pauvre Prince, meilleur Chre-
 stien que tu ne fus onc bon Cabali-
 ste ny bon Iuif, tu as vommy toute l'a-
 postume de ta meschante ame, &
 desgorgé toute ta bourbe & ton
 puant limon contre son ombre &
 contre ses cendres, & ausquelles les
 plus cruels ennemis ont tousiours
 donné la paix.

La France luctueuse & toute de-
 gouttée de larmes appelle icy pour
 Iuge Dieu & tout le Ciel, & pour tes-

moing toute l'Europe de tó iniquité
 & de la iuste douleur, deuãt lesquels
 elle veut rēdre aujourd'huy à la po-
 sterité & à toute la race des hommes
 celebres, ton infamie & ta vanité, à
 fin que si en mesdisant faulſement
 d'elle & de son Roy, tu as pris quel-
 que volupté, tu la perdes en mal
 oyant, & que tes crimes de perfidie
 & d'ingratitude soient aussi publi-
 quement expiez, comme en la veuë
 de tout le monde tu t'en es monſtré
 vain & impudēt ostentateur, & que
 tous les ſiecles futurs, & tous noz ar-
 riere-neueux entendent que dans la
 chaire de S. Pierre, l'Italie à veu de
 noſtre temps ſeoir vn Rabin Espa-
 gnol & vn faſteur d'Eſpagne deſ-
 guiſé d'vn froc couronné & d'vne
 tonſure de moyne.

Sors donc à la lumiere, ô moyne

foldat, & que sur ce theatre du monde tes menfonges & ta vanité soient de tous costez elclairez, que ta vie & tes arts, que tes iours & tes œuvres viennēt icy au calcul, & qu'ils soiēt recomptez, que tous les plis & replis de rō ame, que toutes les rides & les decoupeures de ta meschante conscience soient icy desployees. Quel desplaisir pourtant de se coupler au combat & de colleter vn moine, qui sent mal, qui s'ordit, qui put, & dont la fadeur pourroit infecter tout l'air d'vne Prouince? Tu n'auras point icy affaire à vn champion de Iudee, à vn bazané Sarrazin, à vn Sorboniste enfumé, ny à vn pedant abbayeur. Icy tes drogues d'Inquisition, icy tes goblets ny ta marotte, ta bouëtte ny ton ours, encores moins ton foudre ny ton tonnerre ne te seruiron de rien.

rien. Il te faut à ce coup affronter vn bon François, qui n'est point Espagnol, vn bon Catholique qui n'est point hipocrite, vn François naturel, plein de foy, plein de courage, non vn traistre Ligueur, non vn bardé Lorrain. O que ce combat te sera desauantageux, quand tu auras tousiours sur les bras la verité qui te combattra, qui te pressera, qui t'escarmouchera. Quand elle te sera tousiours comme vn rayon luisant dans la chassie de tes yeux, comme vn éclair transparent dans les rimes de ton endiable cerueau, & quelle sera la nouvelle Circé, qui de moyne hybouff, de moyne bourry, te fera deuenir moyne poisson, & encores de poisson vne moule de graue. Quoy vieil Rabin, tu fremis de fray au bruit de cest ennemy: desia tu brâles, des-

ia tu trembles à la lueur de ceste ar-
me? & sans l'œuvre de ta langue, ta
paleur te monstre abbatu? Il n'est
pas temps de t'estonner, tien ferme
t'œil, compose ta cucule, assieu-
re ta posture, & fais prouision d'o-
reilles.

C'est d'oc aujourd'huy sur la Fran-
ce que tu as ouuert la bonde de ton
torrent Papal, & de tes maledictiōs,
c'est contre son Roy que tu as vom-
la bile de ton pourry poulmon? Or
fus dis moy ie te prie, quel maudit
freslon d'enfer, ou quel moucheron
de marests t'a picqué si au vif les ge-
nitoires, pour te r'emplir de tant de
fureurs, & te faire si Papalemēt con-
tre la France bezer & enrager? Quel-
le blesseure ou quel interest t'ôt peu
si follement mouuoir pour te ren-
dre le flambeau d'un si grād embra-

zement, & l'ouurier meschât de tant de playes publiques? Tu te dis en terre Vice-Dieu, l'Athlas qui soustiét le Ciel, le Iupiter emmarotté, l'Apostre vniuersel du monde, & comme feroit Dieu mesme, tu te fais icy adorer : & neantmoins tu as rompu les armoiries de ton maistre, deiecté ses enseignes, violé ses ordonnances, renuersé sa maison, & mis sous le pied toutes les reigles de sa vie. Dieu venu au mōde establit sa vie sur l'humilité & sur la pauureté, il fonda son regne sur le martyre & sur la patience, il deffendit à S. Pierre le droict du glaïue, il abomina le sang, il commanda l'obeyssance au Iuif magistrat, il ordōna le tribut au Prince Payen, & toute sa vie fut vn public escole d'humilité & d'obeyssance. Il voulut naistre dans vne cruchette, & viuant

au monde à peine souffrit-il le cou-
 uert. S. Pierre fut tousiours profes-
 seur de pauvreté, & vne simple lo-
 gette fut son ordinaire manoir, vn
 S. Hierosme r'enferma toute son am-
 bition dans le pourpris d'vn hermi-
 tage, & tous les anciens peres insti-
 tuerent leurs vies, non sur des exten-
 sions presumptueuses de ce laiz in-
 corruptible, mais au formulaire mē-
 me, & à la reigle plus estroite de leur
 maistre & de leur testateur. Leur vi-
 ure fut simple, non delicat ny luxu-
 rieux, leur vie saincte, innocente, im-
 maculée, sans souilleure d'auarice, de
 cruauté, ny d'impieté. Leurs mœurs
 nettes, pures, exemptes de crimes, de
 reproches, & de tous forfaitcs. C'e-
 stoient les miroüers celestes où les
 Chrestiens venoiēt parer leurs ames
 & dresser leurs cōsciences. C'estoiēt

les lauoirs où ils venoient purger leurs immondices, & l'Eglise ornee de ces belles lumieres estoit sans doute l'Espouse de Dieu & de ce corps si armonique, & si reglemét composé fluoit vne viue source de benedictions sur les humains, & le ciel & la terre par vne nouuelle vberté sembloient correspondre à cela, & rendoient la vie des hōmes moins laborieuse & penible.

Où est donc, ô moyne soldat cette conuenance de vie? où est cette conformité de meurs? où sont ces similitudes, qui te rēdent semblable ou imitateur de cela? qui ne sçait ta premiere vie, que d'un moyne de bande, d'un moyne ribleur, d'un moyne coureur, nourry entre les brelās, entre les marchez, dans les cuisines, tu ne sois paruenue au cardinalat, où tu

as exercé longuemēt, la corraterie de Court, d'Eglise, ou tu as esté moyne pyrate, moyne banquier, moyne marchād, & vn grād ioueur de dez? Sont esté les premiers gages que tu as donnez de ta bonté, sont esté les premices, & les premieres mōstres de tes deux premiers aages. Mais si tost que tu es monté dans le plancher de S. Pierre, ton esprit est deuenu enflé, ton courage sanglāt, ta raison s'est tournée en fureur, ton art de frippōnerie en orgueil, le peuple & la comedie, en la tragedie, & en la ruine des grāds, toutes tes pēsees n'ont plus esté que flammes & ruisseaux de sang, & d'vne cellule d'Apostre, tu as faiēt vn pilloris, & vn autel de vengeance. Tu n'es pas venu là, comme Sainēt Pierre pour y estre hostie immolee, pour y estre

agneau de sacrifice, & pour y courō-
 ner de Martyre ton Apostolat, mais
 pour y estre vn tyran Phalaris, vn
 Bacchus omestes, vn sanglier de de-
 sert, & pour renuerfer la vigne de
 Dieu & remplir l'Europe de feux &
 de diuisions. Rome ne te veit plu-
 tost Pape, qu'elle ne sentir l'acier de
 ton glaue Scitique, sur laquelle tu
 versas premier du sang que de l'en-
 cens, & comme ce Denis Roy pedāt,
 tu voulus d'entree asseurer ta puis-
 sance par la terreur de ta cruauté.
 Mais tout cela estoit encores desgui-
 fé sous le couuert de iustice, si ta
 rage croissante n'eut rompu toutes
 les fibres de ton estomac, & respan-
 du sur la France tout le poison de de-
 dans. Car ayant vn esprit fecond de
 prodiges, & voulant rendre ton sie-
 cle espouuantable à la posterité: en-

flambé aussi des iniques esperances
 quet'auoient fait conceuoir l'Espa-
 gno! & le rebelle Guylart, qui t'ap-
 pelloient au partage de cest Estat, &
 t'en promettoient la Prouence, tu
 t'es rendu le Boutefeu de noz ciuils
 mouuemens, & le Protecteur des
 traistres & de tous les hommes per-
 dus de la Frâce. Ce n'est cela, ô moy-
 ne soldat, que rebatre les voyes, &
 retourner sur les pas de tes predeces-
 seurs, qui apres auoir faißt de la chai-
 re de Sainct Pierre le grand cheual
 de Troye, & réparé leur puissance de
 toutes les enseignes superbes d'une
 tyrannie absolue, apres auoir faißt
 d'un siege d'Euesché vn throsne de
 Roys, & changé leurs croces en des
 sceptres & des couronnes, ont enco-
 res depuis cinq cens ans tenté tous
 moyens, & sondé toutes sortes de
 guer,

guez, pour vsurper la monarchie entiere de toute l'Europe, & enchesner des liens de Sainct Pierre tous les Roys & tous les Potentas du mōde, où ne pouuās paruenir que par vne grande collision, & vne longue attenuation de toutes les forces de la Chrestienté, ils ont comme tu fais continuellement, pratiqué des guerres entre tous les Princes Chrestiens, y interuenant tousiours le contre-poids au plus foible, pour debiliter le plus fort, & y changeans de place & d'interest, comme ils iugeoient necessaire pour la ruyne de l'vn & de l'autre, & pour s'emparer des Estats de tous les deux.

Mais tu dis que c'est la guerre sainte, que c'est la guerre aux heretiques : & sur ce champ de bataille tu assieds ton ret & tes gluons. C'est cō-

tre ceste chimere que tournent toutes hues, c'est par ceste bresche que tu fais entrer l'Espagnol chez nous, c'est sous ce pretexte que tu fauorises les souleuemens & les rebellions en France, c'est sous ce traidiment que tu sapper tous les anciens fondemens de cest Estat, & que tu veux rendre diuisible ceste grande Monarchie.

Or sus, moyne soldat, que ie te passe la main sur l'eschine, pose vn peu ta fureur, & demeure raisonnable deux heures. Que penles tu donc de tant de buchers embrasez, que deuienne en fin la Chrestienté? Ne vois tu pas que ce schisme la diuise presque toute en deux parts esgalement? Que sont des faits puissants de Dieu, que sont des effects vniuersels de sa prouidence, que sont des secrets im-

penetrables de sa sagesse? veux-tu
 comme les Geants t'armer contre le
 Ciel, rompre la fatalité, & renuerfer
 les arrestts eternels de Dieu? veux-tu
 mettre des termes à sa volonté & a
 ses iugemens, & penetrer l'abisme
 de ses conseils? Penses-tu qu'un con-
 sentemēt si vniuersel de tāt de Chre-
 stiens, qu'une si esgale disposition de
 tant de volonte, qu'un si vniuersel
 concours d'affections spirituelles
 soient sans quelque secret iugement
 de luy? Penses-tu rompre les mesures
 & les espaces qu'il a ordōnez à cha-
 que chose? veux-tu commettre tou-
 te la Chrestienté & faire rougir noz
 fleuues & noz campagnes du sang
 des Chrestiens? Quelle paction as-tu
 avec le Turc que tu luy dresses un si
 beau pont pour passer en l'Europe,
 & y planter son Alcoran? Les reue-

lations de Mahomet ont elles ain-
 si disposé tes conseils? Veux-tu au
 lieu d'instruire tes enfans (car tu te
 dis pere commun) en sanglenter tou-
 te ta maison, esteindre ta famille, &
 faire de ton hostel vn Sepulchre de
 morts? Penses tu que la religion se
 commande, & qu'elle se maintienne
 par la terreur des armes, comme vne
 tyrannie? veux tu comme en la co-
 medie nous introduire icy vn Dieu
 armé, vn Mars sanglant, vn Christ
 empistollé, & bref nō le grand Dieu
 du Ciel, mais vn Dieu de sang, vn
 Dieu lupin, & vn Dieu boucher?
 Considere par l'exemple du passé
 de quoy les armes ont proufité pour
 l'aduācement de la religion? Quels
 prouffits restent auiourd'huy de ces
 grands voyages d'outremer? Quels
 prouffits de ces croisades armées?

Où sont les labeurs de Godefroy de Buillon, de Philippe Auguste, de S. Loys & de tant d'autres? Que sont deuenus tant de forteresses & tant de remparts bastis sur les frontieres de l'Europe pour arrester les Turcs? A qui sert auiourd'huy Constantinoble la grande, à qui Rhodes la forte? où sont tant de bouleuerts anciës des Chrestiens? où sont tant de labeurs de Charles le Quint, armé cõtre la plume d'un moyne? où Dieu à bien fait par tout cognoistre que le fer n'est point le plã de la vigne, que son Eglise ne se maintient point par la force, & que ce que la force establit vne autre apres le ruyne.

Quoy donc, ô moyne soldat, commences tu point encores en plein midy de voir le iour? veux-tu icy imiter la folie de l'enfant, qui de peur d'en-

rendre la verité, bousche fes oreilles, se couche contre terre, & l'arme d'opiniaftreté? Mais d'où penfes tu la cause de tant d'eclipses en la religion, & de tant de diuifions, finon du fcandale horrible de Rome & de fes pollutions, finon du mauuais exemple de ta vie & deftiens? Que veulent dire chez toy tant de richesses, tant d'or, & tât de ioyaux, tant de marbre & tant de Porphire, & tant de palais magnifiques? Pourquoy cette pompe Papale? Pourquoy tant de court, tant d'armes, & tant de gardes? Pourquoy tant de delices de Sardanapale, tât de superfluitez d'Heliogabale, tât de bâquets de Lucullus, & tant de threfors de Crœsus? Dira l'on, ô moyne soldat que ces superbes vtenfiles, ces excréments argentez, & ces dorez outils

de malediction soyent des reliques
 Papales? Dira l'on que tant d'armes
 & tant de satellites soyét encores les
 Juifs qui gardent le monument de
 Iesus Christ? ou bien que soit le pre-
 toire de Pilate? Que dira vn nou-
 veau venu dans Rome, de voir soit
 dans la chaire de Sainct Pierre vn
 moyne Roy couronné, ressemblant
 mieux vn Tamberlâ ou vn Herode,
 qu'un successeur de Sainct Pierre?
 Cela luy fera-il pas aussi estrâge que
 si ce malotru qui se feit dâs le thros-
 ne d'Alexandre y eut esté souffert &
 adoré? Quel mal'heur qu'un prodi-
 ge, si vn aage le couure, si vn siecle le
 soufre, coule incontînêt dans vn au-
 tre, & s'affermit en vieillissant. Mais
 montons au Vatican, portons le flâ-
 beau plus auant, ô que tu dors mol-
 lement dans le deuuet d'Epicure? O

que tu flotres doucement dans cette mer de delices? Qui ne te croiroit te voyant vn nouuel Adam dans le paradis terrestre? vn Loir enseuely dás cet abisme de voluptez? Où est ailleurs le monde que dans Rome? où parle ailleurs plus haut l'impieté que dans Rome? où est ailleurs l'escolle de Bacchus & Venus? où est ailleurs Sodome & Gomorre que dans Rome?

Tu ne diras pas, ô moyne soldat, comme faisoit ton maistre, que ton regne n'est pas de ce monde, ny tes Cardinaux Espagnols qui tarissent toutes les banques d'Italie d'vsures, qu'ils soient les membres de Dieu, aussi tu te fais appeller le tressainct & partages le monde & les qualitez de sublimité avec luy. O que tu te ris impunément du ciel, duquel tu vèds
aussi

aussi naïfement les places, que tu ferois les sieges d'une foire. Que tu te ris encores plus effusément du monde & de tes acheteurs, que tu triomphes orgueilleusement de noz calamitez & te ioües de nostre simplicité. Ne penses tu point toutes ces abominations assez puissants esguillons de l'ire de Dieu? De quelle autre fource penses tu pleuvoir tât de dragées de miseres sur la terre? D'ou penses tu d'ailleurs tant de playes publiques? Mais penétons aux ordures de ton auarice? Pourquoi dans l'Italie tant de Iuifs, sinon pour la grande quantité d'or & d'argent que tu tires de ces miserables? tu loges les Iuifs pour argent, tu reçois le Iudaïsme. Pourquoi publiquement dans Rome les Courtisanes, sinon pour les grands loyers que tu reçois de l'im-

pudicité de ces mauuaises femmes? Pourquoy tant de concessions & tât de dispenses, dont tu fais des magazins, & que tu vends honteusement à pris d'argent: car il n'y a commandement de Dieu qui ne soit pour argent renuersé. Cest Iscariot vendit pour trête deniers son maistre, mais tu le vends tous les iours en destail: il s'en repentit quand il l'eut fait, mais si tu pouuois encores trouuer marchand qui voulust acheter le Ciel entier, & tous les ordres des Cherubins & Seraphins, tu en aurois incontinent fait de l'argent. Aussi est-il bien certain que le scâdale de ta vie & de tes tiens, fait tous les ans au Turc des creuës de laniffaires, & que Rome & l'exemple de son impieté, est le seminaire des Chrestiens reniez.

Que dis-tu donc, ô moyne soldat,

trembles tu point au bruit de ceste
 verité? tes cheueux ne se dressent ils
 point en alefnes, quand tu entends
 bruire le tonnerre? quand tu dresses
 ta veuë vers le Ciel? quand tu entēds
 siffler les vents, murmurer les eaux,
 & tempester les tourbillons? Penses-
 tu point que soit Dieu qui entre en
 sa fureur? qui te menace, qui te pour-
 suit, & qui te veut briser de son fou-
 dre? Ha moyne, fors de ces bauges,
 cours au sac & à la cendre, quitte ces
 Couronnes, abandonne ces richesses,
 fuy ces pollutions, r'entre dans ta
 cellule, & confessant Dieu, cognois
 toy. Fais parler à toy ta conscience,
 descen dedans, la lampe en la main,
 portes y la chandelle, & destrempes
 dans tes larmes ceste durté de cœur
 qui t'orgueillit. Descouure la taie de
 tes yeux, arrache le cal d'impieté qui

s'est endurcy dans ton ame, cours au lauoir vistement, & de cest abisme de tenebres esleues toy au iour & à la clarté.

Que peut-on esperer, ô moyne soldat, si en ce marché du monde, celuy qui plus crie au larron, & qui tēpeste plus haut, est le plus gasté de la bande & le plus souillé du troupeau? si celuy qui doit faire le iour couure le temps, qui doit viuifier & instruire, tuë & destruit? si l'enfāt qui court au sein du pere y est estouffé? si le serf qui court à la franchise y est esgorgé? & si le malade qui court au medecin y est empoisonné? C'est sur toy que tous ces traicts se décochent, car de toy & de ta Babylone, comme d'une gargoüille d'immundices, coulent tous les schismes & tous les degours d'atheisme dōt l'Europe est infectee.

Quoy donc, moyne soldat, ceste
 dragme d'hellebore commence el-
 le point de t'alleger? Que te semble
 de ceste peinture de ton Paradis? que
 te semble de cest inuétairé de ta vie,
 & de ceste charte de Rome. Que tou-
 te l'Europe d'óc entende que le grād
 Pan de Rome est aujourd'huy de-
 masqué, que le grand enchantemēt
 du mōde est desnoüé, & que la sour-
 ce est descouuerte dont fluent tous
 les maux du monde sur les humains.
 Quoy, moyne soldat, tu chauuis des
 oreilles? Ceste medecine ne peut-el-
 le encores operer dans ton ame? Il
 n'est pas temps de r'enfermer ton es-
 caille, il faut encores retourner sur la
 lice. Qui t'a d'óc meü de mettre l'on-
 gle en noz playes? & de r'esleuer le
 vengeur des querelles de Lorraine?
 Quel exploict de fureur Papale de

t'estre declaré partizan d'Espagne,
 & le Protecteur des rebelles de Fran-
 ce? D'auoir armé ton tonnerre & ta
 marotte contre vn Roy Tres-Chre-
 stien, & acharné si mortellement ta
 dent contre luy viuant & mort? Est-
 ce le retour de la grace, est-ce le gré,
 sont ce les remerciements de tant de
 benefices que Rome a receuz de ce-
 ste maison? Que seroit auiourd'huy
 ton siege sans leurs profuses libera-
 litez? Que seroit ce Sceptre Papal?
 Où seroit cest Empire odieux? où
 seroit ceste Monarchie Papale sans
 leurs labeurs? O Charlemagne que
 Rome vend auiourd'huy cheremēt
 à ta posterité la memoire de tes bien-
 faits? Que le Ciel punit aigrement
 ta race de tes fautes? Tu as basti la
 cauerne, tu as armé le Lyon qui
 veut auiourd'huy deuorer tes en-

fans. O moyne ingrat, moyne in-
 sensé, oses-tu bien au bruit de ce re-
 proche regarder la lumière? oses-tu
 bien dresser les yeux contre le iour?
 Toy qui n'y a que trois iours n'estois
 qu'un tique de cloistre, encores de-
 my-serpent & demy-limon, encores
 demy-chair & demy-boüe, homme
 nouveau, & qui l'autre hier cassois
 encores ta coque pour esclorre: as-tu
 bien osé entreprendre de renuerfer
 la plus florissante monarchie de l'Eu-
 rope? As-tu bien osé entreprendre de
 contracter de nostre vendition, &
 mettre à Rome à l'encan comme des
 trouppeaux d'esclaves, toute la No-
 blesse de France? Quoy qu'un moy-
 ne loir, qu'un moyne tesson, qu'un
 moyne marchand, vende la France
 aux Iuifs & aux Marrans? Qu'il ven-
 de la France comme il vend le Ciel

aux fols? Que la France soit marchandise de moyne, marchandise de contrebande? Qu'il vende la France à ce Roy demy-Iuif, à ce vieil Tyran de Castille, & que la France deuienne Prouince d'Espagne? Quoy la France que les armes foudroyantes de ce grand Empire du monde ne peurēt iamais dompter? Qui iamais ne peut plier le col sous la patte de ce grand Lyon? La France le bras droit de l'Europe, qu'elle passe sous la puissance de ceste vieille d'Austriche? Hā moyne soldat tu prends mal tes mesures, laisse en paix ce vieil ambitieux, & luy fais plustost largesse de quelques menus suffrages de pardons, font des drogues de ta boëtte, & dōt pour le salut de son ame il a plus de besoing que de nouvelles conquestes, ny de nouveaux Empires. Il

n'at-

n'attend plus que l'heure de sa cheute, & defia il a vn pied d'as le tóbeau.

Mais quelle Prosopopée de Susanne, quel plus semblable maquerelage? de te voir toy & luy, tous deux vieillards, tous deux demy-Iuifs & demy-Sarrazins, tous deux rompus & surannez, epagnotter comme vne maistresse la France? & luy faire si esperduement l'amour? Arriere vieillards, arriere vieux dogguins de Susanne, voz amours sont chancis, c'est au ciel qu'il vous faut bastir des esperances, & laisser la terre aux viuants? Or fus moyne soldat, r'entre sur tes gardes, qui t'a donc esmeu contre ce Roy? Estoit-il heretique, car c'est le leuain de ta rage, & le masque dont tu couures toutes tes trahisons? où est l'accusateur? où sont les tesmoins de ce crime? où est le procez? O mes-

chant Satyre que dis-tu heretique? la Chrestienté, à elle iamais nourry ny Roy ny hōme priué, plus religieux, ny plus Catholique? Et si l'on mesure tous les espaces de sa vie, il s'en trouuera les trois parts emploiez en religieuses meditatiōs. Mais où sont les preuues, de ton mensonge & de ma verité, que le iour & la verité mesme? tout le monde l'a veu, tout le monde l'a cognu, & en vn mot le monde te crie imposteur & te dément.

Et s'il faut icy sur le tableau resacer toutes ses cédres, & esplucher sa vie, il estoit Roy legitime, regnant dans le follier de ses predecesseurs, & du plus illustre tige du mōde, Roy, frere de Roys, fils & petit fils de grands Roys, & dont leurs armes ont remply de leur gloire toute la terre habi-

table. Il estoit Prince d'un esprit
doux & fort moderé, peu inegal en
ses humeurs & en ses meurs. Sa vie
estoit innocēte, & par sa facilité trop
exposée aux aguets. Il auoit vne sim-
plicité trop pleine de confiance, vne
securité de conscience, qui luy fai-
soit reietter trop facilement les ne-
cessaires soupçons. Ainsi la bōté trop
uide de fiel estoit aux traistres en-
trepreneurs la bresche, par où ils as-
sailloient son Estat, si que sa vertu
comme destrempee dans cet inegal
cōdiment demouroit impuissante,
& luy nourrissoit des rebellions. Voy-
là, ô moyne soldat, le Prince duquel
tu te publiques assez claiement le meur-
trier & l'assassin. Mais les traistres de
France, & les macquereaux de ton
vieil corriual de Castille, l'ont publié
par tout vn Tyran. C'est icy Rabin

honteux, & vous ô canaille de trai-
 stres, la plus prostituée vermine de
 la terre, où ie vous attends. Où sont
 donc les marques & les enseignes de
 ceste tyrannie? où sont icy les bans
 & les proscriptions d'un Tybere? où
 est la cruauté d'un Néro? où sont les
 raptz violents d'un Caligule & d'un
 Domitian? Qui veit iamais vie de
 Prince plus exempte de ces crimes?
 Qui veit iamais Prince plus humain
 & plus traictable? qui plus courtois,
 qui plus affable? qui d'une simplicité
 plus innocente? Ha maudite canail-
 le vous me faites icy mourir deux ou
 trois fois, quand ie me resouuiens de
 ces choses, & de voz trahisons? Que
 dis-tu donc, ô Rabin Espagnol, où
 trouues-tu icy des charges? Quoy
 dōc, il oppressoit, dis-tu, son peuple
 par ses profuses liberalitez: ô moyne

Rabin, ce vice est Royal, c'est le vice
 de la maison, la France à tousiours
 porté des Roys liberaux, sont les
 enseignes de sa splendeur, sont les
 montres de sa grandeur, sont les
 tesmoignages de sa gloire. Ce n'est
 pas vn vice de moyne, de Iuis ban-
 quier, de Publicain affamé, de Sar-
 razin vsurier. Mais toute ceste li-
 beralité n'auoit en route sa vie tant
 vexé la Frâce qu'ont fait en six mois
 les troubles que tu y as suscitez. L'Eu-
 rope voit elle donc maintenant à des-
 couuert les arts & les crimes? où re-
 stent donc les exploicts de ceste ty-
 rannie? Quoy il auoit, cries tu, sans
 precedete Inquisitiō ny conuictiō,
 fait mourir ces deux tyrās auortōs;
 ainsi donc Honorius qui fait mourir
 le traistre Stilicon, Alexandre Par-
 meniō, Demetrius qui preuint d'vn

iour Antigone feront par la Iurif-
 prudēce des moynes declarez tyrās?
 Ha moyne soldat, ces mysteres de
 Royauté ne sont matiere de cloestre?
 ainsi portes tu à nos playes la corru-
 ption & le ver? Ainsi effrontement
 deffends tu Catilina contre le Senat
 de Rome, ainsi Ganelō cōtre Char-
 lemagne? ainsi courōnes tu les trai-
 stres? L'Europe cognoistra icy ceux
 que tu deffends & Dieu sera Iuge de
 ton scandal.

Il est donc bien certain que le Roy
 ne preuint ces deux freres Lorrains
 que d'un iour: Que leur conspiratiō
 estoit de le tuer, esteindre d'un mes-
 me effort tous les Princes du sang,
 exposer à la fureur du peuple tous
 les bōs, opprimer la Noblesse & par
 la mesme assemblee des Estats se fai-
 re couronner Roys. Que dis tu donc

ô moyne soldat, demãdes tu où sont les preuues? cõpte leurs iours & leurs labeurs. Demãdes tu où sont les tesmoings? cherche la France en Frãce, & allumes en plein iour la chandelle, descen de leur bers iulques à leur tombeau, mesures tous ces espaces, apprès toutes ces mesures, & tu verras sil faict icy iour.

O meschant moyne, tes lunettes sont Espagnolles, tu ne peux voir icy clair. Mais comment appelles tu en vn Royaume cette Philosophie? cõment ces arts? Ligner des subiects contre leur Roy, armer les bannis & les meschans, diuiser les subiectiõs, flatter le bas populaire, retirer les malcontens, soubstraire au peuple l'obeyssance, & s'armer ouuertemẽt contre le Prince? sont ce pas les premiers apprentissages, sont ce pas les

premiers gages de la tyrannie? Est-ce pas ouuërtement affecter la seigneurie? Est-ce pas publiquemēt cōspirer contre la Republique? Commēt appelles tu ces exploits violēs, soublēuer les Prouinces, piller le thresor public, violer le Magistrat, s'emparrer des Villes & des fortereſſes, & fouller aux pieds l'authorité du Prince? Qui ne ſçait la multiplicité des ruzes, la varieté des sorts, la subtilité des inuentions dont ils se sont ſeruis depuis dix ans en Frāce pour eſcheller cet Estat? Où reſtent les guez non fondez, les droits diuins & humains nō violez, les fraudes nō eſprouuees, & les crimes non tantez pour paruenir à ce but? Nous les auons veus en Frāce faire premieremēt les regnardeaux, acheter par largesse de chapelets, la grace du bas populaire, masquer

quer leurs visages d'hipocrisie, faire les deuots, s'outpirer la peine du peuple, & contrefaire des publicoles. Et comme le ieune aiglō sorti nouuellement de son aire, premier que tant le largue de l'air & de hazarder avec les vens vn hardi vol, va souuent voletant de branche en branche par le boccage, sondant la force & la vigueur de ses aisles, ainsi ils commencerent par ces legers essais de sonder les courages & les dispositiōs du peuple, & par la douceur de cest appast, de les appriuoiser: si que sous ces ieux contrefaits, l'on apperceut se nourrir peu à peu les naissantes racines de leur immoderee cupidité de regner. Mais comme ils cognerent par le miel de ces poisons & par ceste douce trōperie le peuple desia enforcelé, & leur faction assez puis-

F

sante pour assaillir le Prince & la Republique, leurs artifices cesserēt, & leurs armes furent publiques. Ils ne voulurēt plus goustier en cachettes les delices de la seigneurie, mais ouuertement regner & diuiser le Royaume avec le Roy. Ils coururent aux armes, ce trouble fut composé, la diuision fut accordée, ainsi le voulut le destin de la France, & demeurèrent maistres de plusieurs fortes villes. Mais comme l'ambition monte & descend, tousiours l'homme a nouueaux precipices, & n'a rien de moderé, la société au Royaume incontinent leur despleut, & ne voulurent plus de compagnō, là se combla tout le vuide de leur ambition, là fut le complement de leurs crimes, là ce qu'il restoit d'vmbre de leur subiection s'esuanoüit, & leur meschan-

cet é monta à son dernier feste, car leur dernier effort tourna contre le Prince. Voylà donc, ô moyne soldat, les deux Ganelons Martyrs, voylà les deux Saincts que tu deffends. Ainsi couronnes-tu de Martyre les criminels? ainsi fais-tu du Ciel vne hostellerie de Tyrans? ainsi esgalles-tu aux Anges les proditeurs de la patrie? ainsi honores-tu les tombeaux des plus meschants? mais tout cela est Papal & digne d'un moyne Rabin. Où restent donc maintenant les causes legitimes de ton esmotion? où restent les arguments de ceste tyrannie tant publiee contre le Roy? Parce, dis-tu, que l'un de ces deux freres Guifarts estoit Cardinal, qu'il ne devoit asseurer sa vie contre les craintes, contre la conspiration, contre les trahisons d'un Cardinal, & qu'il suf-

fit d'estre Cardinal pour oser impunément toute chose. Mais si ce caractère excellent estoit imprimé sur le front d'un diable, le iugerois-tu pour cela un esprit de lumière? veux-tu honorer le chapeau rouge par la ruyne des Roys? veux-tu faire du chapeau rouge un Caribde indeclinable pour les Roys? Qu'il soit loisible à un Cardinal d'attenter impunément contre la vie & l'Estat des Roys? qu'un Cardinal puisse estre impunément traistre, assassin, felon, empoisonneur, & proditeur de sa patrie. Mais sçais-tu quel estoit ce Cardinal? Qu'il estoit l'auteur de ceste grande conspiration, qu'il auoit la force tous les conseils du Duc son frere, qu'il s'estoit luy-mesme offert l'assassin, l'acteur & l'exécuteur de ce parricide, qu'il y auoit par traction

de son sang obligé tous les cōiurez,
 & qu'il auoit luy-mesme distribué
 les autres charges d'assassiner les
 Princes du Sang, & les officiers de la
 Couronne & seruiteurs du Roy de-
 stinez à ce massacre. Mais d'où la re-
 uelation de ces charges? d'où la no-
 tice de ces crimes? sinon de la confes-
 siō d'un Pericart Secretaire du Duc,
 & de plusieurs autres complices? Mais
 disons ce que tout le monde a veu:
 qui surprit Troye au tumulte des
 barricades que luy? où estant entré
 desguisé, il arma dedās tous les plus
 melchants & les plus diffames, il pa-
 rut aux habitans tout armé, & faillit
 d'ensanglāter toute la ville, si prom-
 prement ils ne se fussent soubmis à
 sa vo'onté. Ne fut il pas encores de
 ville en ville armer le bas populaire,
 le prescher, le solliciter, & l'es mou-

uoir contre son Roy? Te laisse les au-
 tres pollutions de sa vie, sa violence,
 son orgueil, son impieté, son intem-
 perāce. Car il se peut dire qu'il estoit
 né le plus pernicieux homme à cest
 estat que l'on veit iamais. Mais il le
 deuoit, dis-tu, poursuiure iuridique-
 ment, le cōuaincre par ordre & for-
 me de Iustice de ces crimes, & le fai-
 re solennellement condamner. Hà
 moyne soldat, les grandes conspira-
 tions requierent d'asseurer premie-
 rement contre les craintes presentes
 la Republique, & là l'exécution & la
 vengeance precedēt tousiours la co-
 gnoissance. Consulte le Senat de Ro-
 me sur les complices de Catilina, cō-
 sulte toutes les histoires anciennes,
 & tu apprendras par tout ceste rei-
 gle generale d'Estat. Mais quoy, ne
 vois-tu point où ta presumptiō t'em-

porte, ne vois-tu point en quels pre-
 cipices ton orgueil te descend? veux
 tu t'assubiectionner les Roys & te les ren-
 dre comptables de leur espee & de
 leurs droicts? que citez à ton grand
 tribunal, ils viennent là dire leur cau-
 se aux fers, & voir baloter d'as Rome
 leurs vies & leurs Estats? O que tu
 desirerois volentiers vne autre Rome
 triomphante, & y voir comme au-
 tresfois vn grand nombre de Roys
 plaideurs. Que sur ceste grande &
 large base, tu fusses le colosse assis,
 qui de la teste touchast le Ciel, & des
 deux bras embrassast les trois parties
 du monde. O que volontiers tu te
 voudrois voir porter sur vne galere
 dont tous les forçats fussent Roys?
 Que volontiers tu verrois ta lieutene-
 nce Papale enuironnee d'un grand nom-
 bre d'estaffiers Roys? car sont les deli-

- ces de ton fiel Papal, de faire liètiere de Sceptres & de Couronnes, & de rendre esclaves tous les Princes souverains de la terre. Où restent donc maintenant les esguillons de ta rage contre ce pauvre Prince? où restent les offences & les occasions de ton ire impuissante? tout le monde voit-il icy les fureurs & les iniustices de tō esprit? Si le salut des Roys est toujours en la garde ordinaire de Dieu, toy qui te dis son Lieutenant en terre, ou mieux qui te fais vn autre dieu, deuois-tu pas au premier bruit de ce grand mouuement, t'offrir, toy, tes couronnes, tes richesses & tes croffes, au secours de ce pauvre Prince affligé? deuois-tu pas incontinent condamner, infamer & abominer la memoire de ces traistres? deuois-tu pas courir à l'autel & remercier

Dieu

Dieu de leur chastiment; & de la
 deliurance de ce pauvre Prince?
 Tu te dis le pere Sainct des Roys, tu
 le disois ton fils aîné, où deuoit d'oc
 ailleurs plus clairement reluire ta
 charité? où ailleurs les offices & la
 pieté du pere enuers son fils? vn fils
 qui ne t'auoit iamais desobey, mais
 tousiours beaucoup reueré, cheri, &
 honoré, qui n'auoit iamais decliné
 de la voye des plus religieux ny des
 plus Catholiques, tu le voyois assail-
 ly, offensé, poursuiuy par ses subiects
 rebelles, & presque tout son peuple
 seduit & armé contre luy. Où deuoit
 aillieurs tourner ton foudre, que cō-
 tre ces rebelles? ô meschant moyne
 ingrat, ingrat, ingratissime qu'as tu
 fait au lieu de cela? tu t'es incontînēt
 conioinct & associé à cette bande de
 scelerats & d'hommes perdus, tu as

releué les reliefs de ces traistres, tu as
 fomenté la conspiration, conforté
 les meschans, fauorisé les nou-
 uelles rebelliõs, & au milieu des plus
 grandes tribulations de ce pauvre
 Prince, Dieu qui peut entendre ce-
 cy sans souffrir, tu as vomy vne bul-
 le fulminante contre luy, tu as
 proclamé vn ban sur sa vie & con-
 uietous les parricides à la mort. Sont
 moyne, des abbois de chien qui tour-
 ne tousiours sa hardiesse ou la for-
 tune abbaie, & ou il pense que
 les forces defaillent. Mais faut-il icy
 faire vn amas de tes crimes? car com-
 me dans Paris, vne tourbe Imperite,
 abiecte, ignorante, furibõde de mes-
 chans garnimens Sorbonistes cor-
 rôpus & achetez par cete Scithe Gui-
 sarde & le Duc d'Aumalle eut publi-
 quemēt cõsulté sur la vie & l'Estat de

ce Prince, & temerairement decerné
 vne absolution & deliurance gene-
 rale pour tout le peuple de France,
 de la subiection naturelle, & du ser-
 ment de fidelité: & que sans te con-
 sultier, sans t'attendre & sans t'ouir,
 avec vn extreme mepris de toy, ils
 eussent aussi impudemment, comme
 abusiuement prononcé le foudre
 d'Anatheme contre luy, au lieu de
 les chastier rigoureusement, donnant
 tes iniures à tes premieres passîons, &
 à la ruine que tu poursuiuois de cet
 Estat, tu leur enuoias honteusement
 des Briefts de congratulation, & les
 louas hautement de ces exploicts vio-
 lens. Dieu qu'elle tempeste & quel
 orage en la republique, qu'une ban-
 de chetive de belistres, & de tourne-
 broches infames, qu'un torcis de ver-
 millons, & qu'un paquet de chenil-

les, entreprennent de dethroſner & exauthorer les Roys? Que des ſubiects & des plus vils deliberent & decernent de l'Eſtat & de la vie de leur Prince? Dieu qu'elle tēpeſte & quel orage en la republique, d'auoir veu les decrets de ces marauts ruſtres receuz & authorifez dans vn Parlemēt de Paris? non ie m'abuse c'eſtoit vne aſſemblée de beſtes à baſts, de bidets retifs & de canaille prostituée: car tous les gens de bien de ce Parlemēt eſtoient miſerablement captifs & distribuez en diuerſes priſons de la Ville. Ce fut cette troupe deſloyale, ce furēt ces Iudaïſtes qui confirmèrent au Duc de Mayne cette qualité ambitieuſe & ridicule de Lieutenant General de l'Eſtat & Couronne de Frāce, qui luy auoit eſté defferée par quinze ou ſeize ſacquins dont ils cō-

posèrent vn Conseil de seize. Dieu
 qu'elle face de republique ou les
 sacs, les direptions de biens, les vols,
 les raptz & tous les crimes de leze
 Majesté & de felonnie estoient pu-
 blics? Qu'elle nouveauté de frele de
 voir yne republique de traistres &
 de rebelles, où les crimes estoient de-
 partis cōme des charges & des fun-
 ctions ciuiles? De voir dās cette grā-
 de Ville publicemēt les Prescheurs
 aller tous les iours prendre les accēts
 & les tōs de leurs fureurs de cette fu-
 rie Lorraine, & receuoir comme par
 inuentaire les parolles puantes & les
 conuiees horribles qu'ils deuoyent
 chacun iour publier contre le Roy?
 Mais qui ne sçait encores cōbien de
 briefs tu as enuoyez à ce Chef de cōs-
 piratiō, pour l'encourager à la ruine
 de ce Prince, & à la subuersiō de cet

Estat? combiẽ de Briefs en Espagne
 pour y engager plus auant, ton vieil
 dogguin corriual? toutes tes pẽses,
 toutes tes imaginatiõs, toutes tes cu-
 res Papales n'estoyẽt que d'allumer
 de tous costez les feuz en France &
 ruiner ce grãd Estat. En fin tes pour-
 suittes & tes veilles, tes trahisons &
 tes arts ont esclos cet execrable par-
 ricide, Dieu quelle pieté, quels suf-
 frages & quelle patenostre de moy-
 ne, que toute l'Europe voire tout le
 monde abhorre au iourd'huy & qui
 portera vne honte & vne tache eter-
 nelle à nostre posterité. Sont esté a-
 uec nos traistres Ligueurs tes cõioin-
 ctes fraudes, sont esté tes associez cõ-
 seils, & tes secrets briefs qui ont suf-
 cité ce monstre assassin, ce Iacobi-
 portentueux que ma plume ne peut
 nommer. O furion infame de Iudas,

tous les enfers ont ils assez de feuz &
 de bourreaux pour te punir digne-
 ment? tous les pardons de Sixte, & la
 statue de marbre que t'ont erigee les
 traistres de Francete peuuent ils ra-
 cheter des feuz eternels? O rebelles
 abominables qui assaut au iourd'huy
 vos consciences, qui bourrelle vos
 esprits, qui trouble vos pensees, que
 la terreur des supplices & les spectres
 des gibets? O françois où doit tour-
 ner au iourd'huy vostre indignatiõ,
 où vos iustes larmes, où vos iustes ar-
 mes, que contre ces serfs detestables?
 Que contre cette canaille meurtrie-
 re de vostre Roy? Icy à cette vengeã-
 ce publique la France, par la France,
 par les autres Saincts, par les tõeaux
 de vos peres, & par la memoire de
 vostre ancienne gloire vous cõiure.
 Icy François il faut viure François,

& viure en Frâce, icy il ne faut point
 fraier avec le Iuif, icy il ne faut point
 deux visages, icy il ne faut point vne
 foy qui Iudaize, c'est en cette querel-
 le qu'il faut faire reluire vostre fide-
 lité. O noblesse Françoisse c'est à vous
 à depēdre ce pris, c'est en vostre foy,
 c'est en vos armes que se cherchent
 ces deuoirs, c'est sur vous que retour-
 ne ce reproche, c'est cōtre vous que
 cette iniure remonte, & c'est vous
 seuls qui l'a pouuez effacer. Quoy
 que la noblesse de Frâce fust traistre,
 qu'elle se teust, qu'elle dormist, qu'el-
 le preuaricast en ce parricide, en la
 mort, en l'assassinat de son Roy? Que
 la noblesse de France deuinst corra-
 tiere & maquerelle d'Espagne, &
 qu'elle ploiaist le col, sous les meur-
 triers de son Roy? O que plustost
 l'on verra ses Estendarts & ses armes
 poursuiure

poursuiure courageusement ceste
 vengeance, que plustost l'on verra
 noz plaines couuertes des puantes
 charongnes de ces traistres. Dieu qui
 est le Frâçois qui ne soit comblé d'in-
 dignation, quand il se souuient de ce-
 ste iournee, ô traistres Ligueurs, vous
 pristés les liurees vertes : mais tost ou
 tard la France les vous fera porter
 noires, vous feistes les feuz de ioye,
 aussi seront ce les feuz qui espurerôt
 voz crimes. Dieu quelle fureur inso-
 lente, quelle ostentation enragee de
 ceste Scithe Lorraine, qui fait incôti-
 nent à tous les coniurez distribuer
 des escharpes vertes? Quelle impuis-
 sance, quelle immodestie de femme,
 de mordre encores sur le mort. Et
 roy, ô peuple fiens, peuple ordure,
 peuple Parisien enragé, ingrate ver-
 mine, tu t'es armé infamément cōtre

ton Roy, des grands bien-faiçts du-
 quel tu es encores gras, tu as conspiré
 sa mort, tu as sollicité le meurtre: tu as
 nourry le meurtrier: & encores con-
 tre ses cendres tu vomis tous les iours
 ton ame & la rage puante de tō estomach.
 Icy bas & la haut t'attendent
 les loyers de ta perfidie & de tes tra-
 hisons. Les meurtres des Roys ne de-
 meurent iamais impunis, le Ciel en
 est le vengeur, & le iour en faiçt la
 montre. O Dieu, permets moy icy
 sans impieté de considerer ta Iustice
 & la grandeur de tes iugemens! Il n'y
 auoit qu'un an quand ce meurtre ad-
 uint, que toute la France sembloit
 coniuree cōtre nostre Hercule Fran-
 çois: là reclinioient tous les conseils
 de Lorraine, là tous leurs arts & tous
 leurs labeurs: c'estoit en sa ruine qu'ils
 auoient esmeu toute la France, &

tourné toutes leurs armes, & la France
 comme accablée sous la tyrannie
 de ces hommes, estoit contrainte de
 s'uyver le iugement & le vœu des Ty-
 rans. Ainsi sa ruine sembloit inevita-
 ble, si qu'en la bouche des conspira-
 teurs ces vanteries impies estoient or-
 dinaires, que le Ciel mesme ne le
 pourroit garentir de leurs mains.
 Combien donc ta prouidence s'est
 elle monstree admirable, d'auoir dās
 l'an dissipé ces conseils & renuersé les
 consultants, d'auoir par moyens in-
 esperez tiré ce Prince du fonds de la
 Biscaie, l'auoir comme par la main
 conduit par la France, & rendu à ce
 port si fauorable, où il a miraculeuse-
 ment recueilly le Sceptre & la succes-
 sion de Frâce, & par la main de ceux
 mesmes que la violence du siecle de-
 stinoit malgré eux, l'an de deuant les

maillets & le foudre pour le briser. Où peut-estre ailleurs plus claire ta grace, où peuuent estre plus manifestes tes benefices, où peut reluire plus specialemēt ta iustice? Dieu tout puissant icy faut-il que l'impur athee te confesse, & que sa langue se cache dans les tenebres de son maistre. Il faut icy que la bouche blasphemante & l'impieté se taisent, car tout le monde est plein de toy & tes œuures sont incomprehensibles.

Ainsi donc, moyne soldat, tu as veu la iournee & le sang Royal respandu que tu auoist tant désiré, mais ton assassin Iacobin ne trouuera pas le Ciel que tu luy as promis, ceste vendition se faiēt plus aisément deça qu'elle ne se liure là haut. En fin tu as icy adiousté vn courōnemēt plus que Papal à tes premiers crimes. Car

soudain que ceste mort a esté publiée, tu es couru à la Tribune de S. Pierre, tu as eu vne conciõ publique, où voulant ostenter les forces de ton eloquence, tu as vomy courageusement le dernier moult de ta rage canine, & rendu les derniers abois de ton impieté contre les cendres & le tombeau de ce pauvre Prince, & faict voir à tout le monde iusques où pouuoit monter la manie d'un meschant moine. Ola belle Rhetorique, ô les exquis figures, ô les comparaïsons excellentes, ô les sentences concises, ô les subtils argumens de ce sermon! Mais voyõs icy les inepties conioinctes à la meschâceté. Tu appelles ceste trahisõ detestable, vn cœuure grãd de Dieu, vn miracle, vn pur exploit de sa prouidence, & la compares aux plus excellents mysteres de son In-

carnation & de sa Resurrection. O
digne Philosophie de moine, ô barre-
lette & menot intâterez vous point
icy action cõtre ce plagiaire, qui des-
robe si impudemment toute vostre
Theologie? Quelle iurisprudence de
moine, que les parricides & les assassi-
nars plus execrables sont censez des
miracles, & des œuvres de dieu? Ainsi
celuy qui brussa le temple de Diane
fit vn miracle, ainsi cet autre Iaco-
bin qui dâs l'Hostie cõsacree empoi-
sonna cet Empereur d'Allemagne.
O Dieu quels miracles de moines!
mais si celuy que tu reçois volõtiers
au baiser, si ton subiect qui vient à ta
pâtoufle te portoit vn poignard dans
le ventre, appellerois-tu cela vn mi-
racle? Oû sont dõc les marques de ce
miracle, qu'un Iacobin que l'habit
& la profession recõmandoiët, que la

feinte simplicité eximoit de tous soupçons, François, subiect de Frâce, soit passé par vne armee François, Catholique, qui tous les iours estoit pleine de ces hōmes, ait esté présenté au Roy qui ne pouuoit durer sans ces hommes, & ait esté receu de luy sans deffiance, qui toute sa vie s'estoit tousiours confié en ces hommes. C'est icy où tu te monstres naïfue ment imposteur, quād tu dis qu'elle estoit toute composée d'heretiques, & qui auoiēt iusqu'à ce iour tué tous les autres religieux & Prestres qui s'y estoient rencontrez. O Dieu qui te pourra iamais croire aux choses plus obscures, quād aux plus claires tu controuues si hardimēt des mensonges. Mais tout cela seroit encores de la comedie, si tu ne descendois en des blasphemés execrables. N'as-tu point de honte d'ho-

noter ce parricide abominable par
 l'induction des plus grands myſteres
 du ciel? de traduire impiement Dieu
 au commerce des crimes, & d'eſleuer
 ce forfait & ce meurtrier par vne cõ-
 paraiſon de ſa naiſſance & de ſa reſur-
 rection. Quelle charlatannerie de te
 voir comme ſur l'ours conduire ceſt
 aſſaſſin, le paſſer inuiſible par les por-
 tes, par les corps de gardes de Paris, le
 mener par l'armee du Roy entretant
 d'armes, dis-tu, entre tāt d'ennemis,
 entre tant de hazards, & comme ſi
 toute l'armee euſt eſté en garde, & en
 ſentinelle contre luy? Quelle mom-
 merie plus ſemblable aux enchante-
 mens d'Vrgande? ô moine ſoldat que
 tu te monſtres icy tout enſemble ri-
 dicule & meſchant! Dieu quelle pie-
 té, qu'un ſubiect qui tue ſon Roy, eſt
 à Rome vn martyr, & ſon aſſaſſinat

vn miracle? ou font donc tant de miracles de ces anciens Arfacides Turcs? O moine tu n'es pas à Rome vn miracle, mais vn grand prodige, vn Pape portentueux, vn asyle d'assassins, vn Minotaure de Rois, & vn fauteur de rebelles. Or sustu dis encores que ce Prince est mort impenitent, obstiné en son peché & sans recourir à la misericorde de Dieu: par là tu le iettes de l'Eglise, & luy denies l'honneur des obseques accoustumé à tous les Rois. ô Moine Scite ne deuois tu pas te contenter d'auoir esté l'autheur d'un si grand parricide, d'auoir si cruellement feui contre le corps, sans vouloir encores, cōme tu fais, poursuiure l'ame? ce pauvre Prince ne pourra-il dans le ciel estre exempt de tes assaults & de ta rage? Qu'entre les bras mesme de Dieu tu luy tireras tes dards & luy es-

lanceras ton foudre? Quoy le lion ne rugit plus contre le mort, & toy moine loup, moine corbeau, tu suis encores par l'air l'vmbre fuyante du corps, & cherches si l'esprit a du sang pour le tirer. Mais qui t'a dict qu'il estoit mort impenitét? où est l'enqueste que tu en as faiçte, qui sont les testmoins? Qui sont les cōmissaires que tu as deputez pour informer de ceste impenitence. En la cause d'un grand Roy, en matiere si importāte, en vne accusation si criminelle, as-tu bien ausé donner vne sentēce si dure sans inquisition precedente & sans cognoissance? Ha Pilate ainsi cōdānes-tu l'Innocēt, ainsi diffames-tu la memoire d'un grand Roy? D'où t'est venue donc la notice de ceste impenitence? as-tu creu le rapport des cōplices de ce parricide? as-tu creu les aduis

des traistres de France, des ennemis
 coniurez, des subiects rebelles de ce
 Roy? Dieu tout puissant faut-il icy en
 plein iour allumer le flambeau pour
 faire voir ceste calomnie impudente.
 Est-il iamais mort homme au monde
 plus plein de pieté que ce Prince,
 veit-on iamais homme en ce penible
 passage plus recourir à la misericor-
 de de Dieu, & plus soigneux de son
 salut? Que fut tout ce dernier momēt
 de sa vie, qu'une continuelle medita-
 tion en Dieu? que furent ses dernieres
 paroles, qu'une perpetuelle mention
 de Dieu? Combiē de fois fut ouye de
 luy ceste voix penitente? Ce tesmoi-
 gnage de Chrestien? qu'il pardonnoit
 de bon cœur à tous ses ennemis, & à
 celuy mesme qui l'auoit assassiné?
 Qui fut sa derniere viande que l'Ho-
 stie cōsacree & Dieu mesme? O mes-

chant imposteur que tu me renou-
 uelles icy griefuement mes larmes &
 mes douleurs? N'as tu point de honte
 d'auoir mieux aymé mentir & caló-
 nier publiquemēt, que t'esclaircir de
 ceste verité. Quoy ta passion impuis-
 sante ne pouuoit-elle supporter ce
 loisir? ô Dieu tout puissant iusques où
 mord ceste rage? iusques où montent
 ces fureurs? Quel Pere saint, quelle
 pieté, quelle iustice, quelle sainteté
 Papale? icy deuois tu estre si chiche
 de ces suffrages que toute la France
 achapte de toy si cheremēt? Mais qui
 doit trouuer estrāge toute ceste suite
 de crimes, car il falloit bien que celuy
 qui estoit l'auteur, l'inducteur & le
 promoteur de ce grand prodige, qui
 auoit constitué le prix, publié le ban,
 conduit les pratiques, donné les cō-
 seils, complotté, coniuré, conspiré

avec les autres traistres , poursuiuit
 encores toutes les reliques de ceste
 iniure , & y mist la derniere main. Il
 falloit bien à bon cōmencemēt met-
 tre encores meilleure fin, & empuātir
 toute l'Europe des infectes haleines
 de son impieté. O Frāçois que dictes
 vous de la patte de cest ours? Cognois-
 sez vous à la trace ses espouuantables
 griffes? voyez vous de quelle mesche
 tous voz feuz sont allumez? voyez
 vous clair maintenant en voz cēdres
 & en voz ruynes? Ceste vengeance
 demeurera elle sans poursuite & ce-
 ste iniure sans vangeur? O qui ne soit
 plus de nom de Frāce, qui ne soit plus
 mention de François si cela est. Que
 la Frāce deuienne vne nouuelle Sci-
 tie, quelle deuienne vn desert d'Ara-
 bie, quelle deuienne vn Royaume de
 Margaias, quelle deuienne vne Iudaie,

que tous les haures d'Italie, tous les
 marchez, toutes les foires d'Espagne
 soient remplis d'esclaves François, &
 que l'on ne voye par le monde que
 ventes publiques de serfs François.
 Que si ceste vengeãce publique n'est
 pourluiuie cõtre les auteurs, que les
 anciens monumens de France, que
 l'ancienne gloire des François soit
 esteincte, que les sepulchres, que les
 tombeaux plus honorez des François
 soient arrachez & desmolis, & que
 pierre sur pierre ny demeure, & bref
 que tout ce nom François perisse &
 meure eternellement. O Noblesse
 Françoisse escoutez icy bruire l'esprit
 de la France qui vous resueille.

Escoutez la voix de Frãce qui esclate
 des tombeaux de voz peres, qui re-
 monte icy haut, qui vous crie, qui
 vous tance, & qui accuse vostre No-

blesse. Escoutez les manes pies de vostre Roy qui se plaignent, qui vous pouruiuent, & qui reclament vostre foy. Que tardez vous à ceste vëgeance? la Iustice vous y appelle, Dieu mesme vous y ouure le chemin, il lie les bras, il espouuante les courages, & chasse desia au supplice voz ennemis : & bref toutes les grandes ames des Roys, tous les esprits heroïques qui sont montez là haut, comme à vn commun interest, comme à vne cõmune iniure vous y conuiert. Ne voyez vous pas l'ours & le lyon, vnis ensemble pour vous deuorer? Ne voyez vous pas ce moyne Romain & ce vieil Espagnol, qui conuiennët de vostre venditiõ, & qui composent desia les conditions de vostre seruitude? Que faict son Legat à Paris que resoudre les assurences de ce marché?

Ne le voyez vous pas conioinct aux parricides de vostre Roy? Ceste marchandise est-elle cachee? Ces arts infames sont elles obscures? Voulez vous dormir en voz ruynes, & faire les insensibles en ces dâgers presens? vostre liberté est vendue, le contract en est passé. Mais Dieu qui sont les vendeurs, qui sont les marchands de si grande marchandise? sont des traistres fugitifs, des serfs qui vendent leurs maistres, des criminels & des hommes perdus qui vendēt la France. Hà canaille infame, haillons de Lorraine, il n'en ira pas ainsi, pensez vous eschapper par là le supplice, & fuir les peines de voz crimes? Quelle impudence de ces hommes, quelle ridicule vanité de ces mercerots, de contracter de la France, & vendre la France aux Espagnols. Hà canaille infame,

infame, haillons de Lorraine, il n'en ira pas ainsi. Dieu a choisi à la France vn grand chef, il luy a donné vn grād Roy, vn digne vengeur de ses iniures, & qui desia vous a bien fait sentir la force de son inuincible bras. Soubs les estendarts de cest Hercule toute la France se r'alliera, soubs la conduicte de ce grand Capitaine, toute la Noblesse cheminera: & au bruit de ces armes toute l'Europe tremblera. Ce sera par sa main que vous receurez le chastiment de voz forfaits, & que la mort de son predecesseur sera vëgee. O que la France est heureuse d'auoir trouué au plus fort de ceste tempeste vn ancre si fort, d'auoir trouué au milieu de tant de violents orages vn Pilote si excellent. Dieu, qui considere bien sa vocatiō, qui ne la trouue toute pleine de diuins mouuemens? qui

ne la voit toute pleine des aydes diuins? qui ny voit de tous costez reluire des tesmoignages tresgrands de sa prouidence? & toute par tout estre toute de Dieu? Ainsi Dieu donne aux grandes maladies des nouueaux Esculapes, aux grands maux desesperez des grands remedes inopinez, & aux grandes cheutes des Estats, des restaurateurs & des liberateurs excellens. Hâ pauvre Frâce, en quelles scilles & en quels bancs dangereux la tempeste t'auoit-elle iectee? combien estois tu prochaine de ta ruyne & de ton naufrage, quand Dieu a fuscité à ton Ciel ceste nouuelle espaulle, ce nouuel Athlas, pour soustenir le debris de tes ruynes & arrester ta cheute? Et vous, ô François, ces grands gages de la faueur de Dieu, ne vous eschaufent ils point à l'amour de ce Prince? Ses

vertus excellentes ne vous y enflamment-elles point? Pour qui sont les labeurs que pour vostre repos? pour qui ses veilles & ses peines, que pour la dignité de ce grand Estat? Des autres l'heritier né esmeut l'ambition, mais ce Prince ne combat que pour vous & pour la gloire. Considérez ses exploits admirables depuis cinq mois, combien de Prouinces par luy recôquises, combien de villes forcées & reduites, combien à la route d'Arques, combien à tant de sieges, combien à tant de rencontres d'ennemis renuersez. Voyez depuis trois iours vne grande bataille dōnee, gaignee, toutel'Infanterie de l'ennemy deffaite ou renduë, la cauallerie rompuë, renuersee & taillee en pieces, avec vn grād nombre de prisonniers, & tout le canon de l'ennemy pris, plusieurs

villes encores depuis cōquises, si bien
 qu'il semble que la fortune & Dieu
 mesme combattent par tout à la teste
 de ses escadrons. Ayez vous mieux
 passer sous la tyrannie d'un Espa-
 gnol brauasche, d'un estranger de-
 my-Iuif? & obliger vous & toute vo-
 stre posterité à vne eternelle seruitu-
 de, que de viure heureusement sous
 ce grād Roy legitime? La France de-
 puis douze cens ans a esté libre, & de
 son tige tref-illustre, tous les autres
 Royaumes de la Chrestienté ont re-
 nouuélé le plan de leurs Sceptres. La
 France depuis douze cēs ans, a esté le
 clair œil de la Chrestienté, le premier
 mēbre de l'Europe, & a donné & osté
 plusieurs fois des Roys en Castille: &
 vous souffrirez qu'elle passe sous ce
 vieil tyran d'Autriche? & qu'elle de-
 uienne vassale d'Espagne? Et vous

Noblesse Françoisse, qui ayez tant
 l'œil & la presence de voz Roys, vous
 ferez donc la court à vn vice-Roy
 Dom Ferdinande, à vn Dom Farfan-
 te, il vous faudra apprendre le barba-
 risme, les mœurs, les mesures, les
 mouuements des Rhodomontades
 Espagnoles, apprendre les alleures
 pesantes, les desmarches d'un Roy
 de tragedie, qui comparoist sur le
 theatre, & bref changer de cresme &
 & de foy? O que plustost i'aimerois
 mieux voir esteinte ma posterité
 que d'apprehender pour elle ceste
 seruitude. Quoy le courage nous faut
 il? nous souuenons nous que nous
 sommes François? qui sera le dernier
 au labeur de ceste gloire? où sont noz
 armes? où sont noz cheuaux? Que
 nous sert plus la vie, si nous ne la re-
 tenons libre? La Iustice est en noz es-

pees, la force en noz bras, & tout le
 reste cōsiste en noz courages. Quoy
 courages? qui est le chetif maintenant
 qui ayant vn si excellent Roy en doit
 manquer? Que celuy-là s'il est au
 monde, se cache comme vn fouille-
 fiens sous l'ordure, qu'il descende
 vis dans vn tombeau, & qu'il soit raié
 du nombre des hommes. O que la
 vraie Noblesse se gardera bien de ce-
 ste honte, qu'elle sçaura bien decli-
 ner ce reproche! ô que ie la voy desia
 gaillarde, disposte, allegre, & toute
 preste à bien mener les mains pour sa
 liberté & pour son Roy! Mais ce vieil
 Rabin Romain la menace de son
 foudre. Il a desia vendu la France &
 veut esteindre le nom François. Il luy
 refusera le reliquaire de sa pantoufle,
 si elle s'arme pour son Roy. O que ce
 n'est le premier marchand qui a tan-

té la folie sur ce Royaume & sur noz
 Roys, que ce n'est le premier fol qui a
 delployé sur la Noblesse de France les
 mesmes drogues de ceste boüette:
 mais quand ces siecles ont porté de
 ces fols, la France a porté des sages
 qui les ont bien sceu rembarrer, elle
 a porté des hommes vertueux qui
 leur ont bien fait reploier leurs farfe-
 lets & leur marotte, & qui leur ont
 bien fait cognoistre que les Royautez
 ny les Empires ne sont matiere de
 marmousets empatenostrez. O gen-
 tils Philippes Auguste & le Bel, Roys
 tres-excellents, icy l'exemple de vo-
 stre sagesse ne nous remplira-elle
 point de bons conseils, de quelle po-
 tion excellente gueristes vous la ma-
 nie de ces Papes de voz temps? Que
 deuint ce Legat aduaturier qui estoit
 entré en France sans congé? fut-il es-

pouceté comme vn galland? fut-il
 publiquement trainé sur vne claie, &
 reuestu de verd, pillorizé? c'estoit vn
 temps où la Religion Catholique e-
 stoit florissante, mais la France por-
 toit des hommes massés, & non des
 coquefredouilles embeguinez. Que
 dirons nous donc de ce Legat de Six-
 te, qui est venu en France pour diui-
 ser la France, vendre la Noblesse, &
 esteindre en France la Frâce, & abolir
 la Royauté? Qui s'est conioinct aux
 assassins du feu Roy, pour encourager
 les rebelles, ruyner nostre Roy, &
 mettre en proye tous les gens de bié?
 Quoy, en ce cas pillorizer, il faut
 pendre, & luy donner pour partage
 vn corbeau & vne fourche. Il ne faut
 point icy balbucier, il ne faut point
 icy beguayer, reploier le col dans les
 espaules, ie dis clairement pendre &

encores à bon marché. Comment, nous serons vendus & trahis, & le marchand nous fera la nicque? Quoy qu'il se promeine impunemēt par la France, comme par vne garenne de conils, cōme par des assemblees d'oisons, comme par vn colombier de busarts & de bisongues? Non non, il luy faut faire sentir qu'il est en France, en vn pays d'hommes, qui sçauent chastier les meschās & cōseruer trefbien leur liberté. Et toy, moyne soldat, crois que ta marchādise & tes crimes ne demeureront point impunis. Dieu est le grand arbitre des Royau-
mes, il a tousiours communiqué ses benedictions & sa bôté à la France, il a tousiours contre les grandes maladies & les assauts des temps, cōserué entier ce grand Estat, aussi sera ce luy qui ruinera tes conseils & fera couler

L

au vent tes iniques esperāces. Ce sera
luy qui fortifiera les courages des Frā
çois, qui cōfortera nostre Roy & qui
fera reiallir ta rage contre ton ame,
mesme pour te rendre de toy-mesme
le bourreau. Là bas ton dernier paye-
ment, & icy hault bien tost les erres.